



Broj: 01/1-50-1-1-82/09
Sarajevo, 14.10. 2009. godine

Z A P I S N I K

82. sjednice Ustavnopravne komisije

Sjednica je održana 14. 10. 2009., s početkom u 13 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Lazar Prodanović, Ekrem Ajanović, Drago Kalabić i Momčilo Novaković.

Sjednici je prisustvovao i poslanik Mirko Okolić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

Prijedlog zakona o Agenciji za prevenciju korupcije i koordinaciju borbe protiv korupcije, predlažak: Vijeće ministara BiH (postupak u nadležnoj komisiji u skladu s članom 110. Poslovnika Doma – razmatranje amandmana poslanika Mirka Okolića podnesenog u plenarnoj fazi, na osnovu zaključka Predstavničkog doma sa 62. sjednice)

Ad.1. Prijedlog zakona o Agenciji za prevenciju korupcije i koordinaciju borbe protiv korupcije, predlažak: Vijeće ministara BiH (postupak u nadležnoj komisiji u skladu s članom 110. Poslovnika Doma – razmatranje amandmana poslanika Mirka Okolića podnesenog u plenarnoj fazi, na osnovu zaključka Predstavničkog doma sa 62. sjednice)

Predsjedavajući je otvorio raspravu u kojoj su učestvovali poslanik Mirko Okolić i članovi Komisije Momčilo Novaković, Drago Kalabić i Šefik Džaferović.

Ustavnopravna komisija je jednoglasno usvojila Amandman I. koji glasi:

Amandman I.

U Prijedlogu zakona o Agenciji za prevenciju korupcije i koordinaciju borbe protiv korupcije u članu 13. u nazivu člana riječi: „i zamjenika“ se brišu.

U članu 13. stav (1) na kraju teksta brišu se riječi: “(„Službeni glasnik BiH“, broj 37/03)” a umjesto tačke dodaje se zarez i riječi: „uz provjere koje se primjenjuju prilikom imenovanja članova Vijeća ministara BiH“.

Komisija je nakon rasprave, sa šest glasova „za“, bez glasova „protiv“ i jednim glasom „suzdržan“:

- prihvatila tekst Prijedloga zakona o Agenciji za prevenciju korupcije i koordinaciju borbe protiv korupcije sa usvojenim amandmanima i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

S obzirom da nije bilo više pitanja, sjednica je završena u 13,30 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović